

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 5/2011-mik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Islandimi, Savalimmiuni Kalaallillu Nunaanni naalakkersuisut kaammattorpaat Islandip, Kalaallit Nunaata Savalimmiullu akornanni angalanerni aqqusaarnernilu nunani avannarlerni killerni innuttaasut nammineq nerisassaminnik nassarsinnaanermut periarfissaqarnissaat anguniaqqullugu.
(Aallartitat siulittaasuat Josef Motzfeldt)

Akissuteqaat

(Naalakkersuisut Siulittaasuat aamma Nunanut Allanut Tunngasunut Naalakkersuisoq)

Siullermeerinnineq

Naalakkersuisut inassutigaat, Inatsisartut Nunat Avannarliit Killiit Siunnersuisoqatigiiffiata kaammattuutit aalajangersagaat nr. 5/2011 tapersissagaat.

Nunani Avannarlerni Killerni innuttaasut Kalaallit Nunaata, Islandip aamma Savalimmiut akornanni angalanerminni inuussutissanik namminneq atugassaminnik nassataqarsinnaanerannut pitsaasumik atugassaqartitsinissap qulakkeerneqarnissaa Naalakkersuisut kissaatigaat. Naalakkersuisut suliap nunat avannarliit akornanni Nordisk Ministerrådip Killeqarfiiit Aporfiumnginnissaat pillugu Oqallittarfia aqutugalugu oqaluuserisassangortinnialersarpaat, kisiannili aamma Kalaallit Nunaata, Savalimmiut Islandillu akornanni nerisassanik nassarsinnaanermik ajornarunnaarsitsisussamik aammalu Kalaallit Nunaanni, Savalimmiuni Islandimilu innuttaasunut assigiimmik atugassaqartitsinissamik qulakkeeriniffiusumik suleqatigiinnissamut isumaqatigiissusiornissaq eqqarsaatersuutigalugu. Suleqatigiinnissamilli isumaqatigiissummi inuussutissanik isumannaallisaanerup, uumasut innuttaasullu peqqissuunissaasa soqutigineqarnissaat eqqarsaatigilluassallugu pingaaruteqarpoq.

Aammattaaq ataatsimiinnermi matumani imm. 111-imi killeqarfimmi akimmiffiusartut peerneqarnissaat pillugit oqallinnermut annertuumik isumaqatigineqartumut akimmiffiusartunik paaanissamut iliuseqarnissamut kaammattuuteqarnermut Naalakkersuisut innersuussissapput.